



UTM
UNIVERSITI TEKNOLOGI MALAYSIA

Akademi Tamadun Islam, Fakulti Sains Sosial & Kemanusiaan
SEMESTER 2 2024/2025

ULRS1022-06 Falsafah dan Isu Semasa

Kajian Kes

Media sosial meruntuhkan akhlak dan nilai moral masyarakat di Malaysia

Pensyarah: Prof. Madya Dr. Nasrul Hisyam bin Nor Muhamad

Nama	No. Matrik
BRENDAN CHIA YAN FEI	A23CS0211
ELIJAH SHE YU SHENG	A23CS0073
EVELYN GOH YUAN QI	A23CS0222
GOE JIE YING	A23CS0224
JOANNE CHING YIN XUAN	A23CS0227
LAM YOKE YU	A23CS0233
LESTER CHIENG NENG JIE	A23KT0309
LIM YU HAN	A23CS0241
TAY CHING XIAN	A23CS0307
TEH RU QIAN	A23CS0191

Link Video: <https://youtu.be/jdX6mNd8CZI>

Kandungan

1.0 Pendahuluan	2
2.0 Punca / Faktor Isu	2
3.0 Kaitkan Isu dengan Elemen	3
3.1 Falsafah Pendidikan Kebangsaan	3
3.2 Rukun Negara	5
3.3 Konsep Jasmani, Emosi, Rohani dan Intelek (JERI)	7
3.4 Falsafah Teknologi	10
3.4.1 Teknologi sebagai alat neutral	10
3.4.2 Pengaruh teknologi terhadap pembentukan nilai	11
3.4.3 Tanggungjawab etika dalam penggunaan teknologi	11
3.4.4 Perlunya literasi teknologi beretika	12
4.0 Pandangan Tokoh	12
4.1 Pandangan Tokoh Akademik	12
4.2 Pandangan Pemimpin Masyarakat	12
4.3 Pandangan Pakar Psikologi	13
5.0 Kesan Media Sosial di Malaysia	14
5.1 Kesan Terhadap Individu	14
5.2 Kesan Terhadap Keluarga	14
5.3 Kesan Terhadap Masyarakat	14
5.4 Kesan Terhadap Negara	15
6.0 Cadangan Cara untuk Menangani Isu	16
6.1 Peranan Individu	16
6.2 Peranan Ibu Bapa	16
6.3 Peranan Institusi Pendidikan	17
6.4 Peranan Platform Media Sosial	17
7.0 Kesimpulan	18
8.0 Rujukan	19

1.0 Pendahuluan

Dalam era globalisasi dan perkembangan teknologi maklumat yang pesat ini, media sosial telah menjadi sebahagian besar daripada kehidupan seharian masyarakat di Malaysia. (Hidayah, 2019) Platform yang selalu didengari seperti Facebook, Instagram, TikTok, dan Twitter tidak lagi hanya digunakan untuk berkomunikasi, malah telah menjadi sumber maklumat, hiburan, dan juga perniagaan. (Halim et al., 2023) Walaupun media sosial membawa banyak manfaat, kebelakangan ini tetapi pada realitinya, memang tidak dapat dinafikan bahawa ia juga menimbulkan kebimbangan tentang impaknya terhadap akhlak dan nilai moral masyarakat. Sebagai memperkukuhkan lagi pernyataan tersebut, punca-punca yang menunjang masalah ini perlu diperincikan demi kebaikan bersama kerana runtuhnya nilai moral akan membawa kesan buruk terhadap perpaduan sosial, keharmonian masyarakat, dan pembangunan negara secara keseluruhannya. (Berita Harian, 2024) (Husin, 2024)

2.0 Punca / Faktor Isu

Jika dituliskan dengan lebih mendalam ramai pengguna, terutamanya remaja, lebih rela menghabiskan masa berjam-jam setiap hari di media sosial tanpa kawalan. (Hidayah, 2019) Sebagai contoh, golongan muda pada masa kini terikut-ikut dengan trend seperti membuat TikTok Live atau Instagram Live hanya untuk berinteraksi dengan penonton serta mengumpul sumbangan (gifts digital), atau sekadar mencari perhatian. (Jurnal Pendidikan Malaysia (Malaysian Journal of Education), n.d.) Popularity ini akan membuat golongan muda senang hilang akal disebabkan ingin membuat konten yang gempak dan lawak untuk mendapatkan perhatian, bukan sahaja itu terdapat juga beberapa kes seperti youtuber yang membuat konten seperti 'transgender', pakaian yang tidak senonoh dan sebagainya, tanpa disedari perbuatan ini akan menyebabkan kanak-kanak terikut dan menganggap perkara ini adalah perkara biasa. Sudah terang lagi bersuluh, ketagihan ini akan menyebabkan mereka lebih terdedah kepada pengaruh negatif seperti budaya hedonisme, pergaulan bebas, serta penyebaran maklumat yang tidak sahih. (Sannusi et al., 2018)

Bahkan itu, Platform media sosial tidak mempunyai kawalan ketat terhadap kandungan yang disiarkan. Kandungan berunsur lucah, kebencian, fitnah, dan keganasan mudah tersebar tanpa tapisan, menjadikan masyarakat, khususnya golongan muda, terdedah kepada nilai yang bertentangan dengan norma budaya dan agama tempatan. (Sualman, 2019) (Azizan et al., 2021) Jika kita perhatikan, terdapat banyak website dan aplikasi yang mengandungi kandungan seperti yang dinyatakan di atas. Sebagai contoh yang pernah saya lalui pada zaman kanak-kanak dahulu, gambar yang dikongsikan di media sosial telah dimuat turun oleh orang lain dan dikongsikan di group atau akaun yang mempunyai kandungan lucah. (Halim et al., 2023) Tanpa kita sedari ini mampu meruntuhkan nama seseorang dengan sengaja. (Jurnal Pendidikan Malaysia (Malaysian Journal of Education), n.d.) (Halim et al., 2023) Bukan sahaja itu, akhbar dan berita yang tidak

sah akan menimbulkan masalah dalam kalangan masyarakat seperti kemarahan, kebencian dan juga kes fitnah.

Fenomena kejar populariti melalui "viral" mendorong sesetengah individu berkongsi kandungan sensasi tanpa mengira kesan moralnya. (Berita Harian, 2024) Kes viral ini semakin meningkat dengan lebih ketara disebabkan individu mula berlumba-lumba mencipta kandungan yang gempak dan luar biasa demi meraih tontonan dan perkongsian orang ramai. (Halim et al., 2023) (Azizan et al., 2021) Apabila kandungan negatif seperti penghinaan, penyebaran aib, perbalahan terbuka, atau gaya hidup hedonistik sering menjadi viral, ia menyebabkan masyarakat mula menerima tingkah laku tersebut sebagai sesuatu yang biasa. Perbuatan yang dulunya dianggap tidak sopan kini dilihat sebagai "biasa" atau "hanya hiburan". (Jurnal Pendidikan Malaysia (Malaysian Journal of Education), n.d.)

Ketiadaan atau kekurangan pendidikan moral digital dalam kalangan masyarakat Malaysia menjadi salah satu faktor utama keruntuhan akhlak akibat media sosial. (Hilmi, 2023) (Azizan et al., 2021) Hal ini disebabkan garis panduan yang jelas tentang apa yang boleh dilakukan dan tidak boleh dilakukan di dunia digital tidak didedahkan kepada pengguna muda. Pendidikan moral digital merujuk kepada pendedahan tentang etika penggunaan teknologi secara bertanggungjawab, termasuk aspek keselamatan, kesopanan, dan kesahihan maklumat. (Hidayah, 2019) Maka pendedahan ini sepatutnya didedahkan daripada rumah dan juga sekolah. Kekurangan panduan ini menyebabkan masyarakat, terutamanya golongan muda, menggunakan media sosial dengan bebas tanpa mempertimbangkan adab, norma budaya, dan kesan jangka panjang terhadap diri sendiri serta masyarakat. Ramai yang tidak menyedari bahawa perbuatan yang mereka lakukan ini mungkin boleh didakwa dan memberi kesan di sisi undang-undang. (Jurnal Pendidikan Malaysia (Malaysian Journal of Education), n.d.) (Husin, 2024)

3.0 Kaitkan Isu dengan Elemen

3.1 Falsafah Pendidikan Kebangsaan

Falsafah Pendidikan Kebangsaan (FPK) menetapkan matlamat melahirkan insan seimbang dan harmoni dalam semua aspek — intelek, rohani, emosi dan jasmani — berasaskan kepercayaan kepada Tuhan. Namun, dalam era digital, pencapaian matlamat ini dilihat semakin terancam, terutamanya akibat kesan penggunaan media sosial yang tidak terkawal dalam kalangan masyarakat Malaysia. Isu keruntuhan moral dan nilai akhlak melalui media sosial bukan sahaja membimbangkan, malah menggugat keseimbangan perkembangan insan seperti yang digariskan dalam FPK.

3.1.1 Pembentukan Individu yang Percaya dan Patuh kepada Tuhan

Salah satu teras utama dalam FPK ialah pembentukan individu yang percaya dan patuh kepada Tuhan. Namun, perkembangan media sosial menunjukkan semakin ramai individu mula mengabaikan nilai-nilai agama dalam kehidupan seharian. Kandungan berunsur maksiat, hedonisme dan fitnah semakin mudah dicapai tanpa penapisan. Mustaffa (2020) mendapati bahawa media sosial sering mengalihkan perhatian pengguna daripada nilai spiritual yang sepatutnya menjadi tunjang kehidupan mereka. (Jurnal Pendidikan Malaysia (Malaysian Journal of Education), n.d.) Keadaan ini menyumbang kepada kelalaian dalam menunaikan tanggungjawab agama, terutama dalam kalangan remaja. Tambahan pula, Hilmi (2023) menekankan pentingnya pendidikan akhlak dalam dunia digital bagi memastikan pengguna media sosial tidak terpesong daripada prinsip keagamaan yang sepatutnya menjadi panduan utama. (Hilmi, 2023) Fenomena ini menunjukkan bahawa prinsip kepercayaan kepada Tuhan yang digariskan oleh FPK semakin tercabar dalam era media sosial yang bebas dan terbuka.

3.1.2 Perkembangan Holistik Insan

Selain aspek spiritual, FPK juga menegaskan pembangunan insan yang holistik dari semua segi. Namun, apabila diteliti, penggunaan media sosial secara berlebihan telah menjejaskan perkembangan emosi dan intelek individu. Menurut laporan oleh Institut Penyelidikan Pembangunan Belia Malaysia (IYRES, 2023), tekanan mental, kemurungan dan perasaan rendah diri dalam kalangan remaja meningkat akibat budaya membandingkan diri secara tidak sihat di media sosial. Dalam masa sama, terlalu bergantung kepada maklumat viral yang dangkal menyebabkan proses pemikiran kritikal terganggu. Akibatnya, individu gagal berkembang secara menyeluruh seperti yang dikehendaki oleh FPK — iaitu tidak sekadar cemerlang akademik, tetapi juga stabil secara emosi dan matang dalam membuat keputusan.

3.1.3 Keseimbangan Intelek, Emosi, Rohani dan Jasmani

Seterusnya, FPK mengimpikan insan yang seimbang dalam aspek intelek, rohani, emosi dan jasmani (konsep JERI). Namun begitu, perkembangan teknologi tanpa kawalan telah mewujudkan ketidakseimbangan serius. Pengguna media sosial sering mengabaikan kesihatan jasmani kerana terlalu banyak masa dihabiskan di hadapan skrin, sehingga membawa kepada obesiti dan gangguan tidur. Laporan Astro Awani (2023) menyatakan bahawa lebih 27 juta rakyat Malaysia menggunakan media sosial secara aktif, dan sebahagian besar mengalami kesan sampingan terhadap kesihatan fizikal serta kesejahteraan psikologi. (BERNAMA, 2023) Ketidakseimbangan ini membuktikan bahawa tanpa kawalan dan pendidikan digital yang berkesan, media sosial akan terus mengganggu usaha pendidikan untuk membentuk rakyat Malaysia yang lengkap dari segi jasmani, emosi, rohani dan intelek seperti yang digariskan dalam FPK.

Kesimpulannya, kerangka Falsafah Pendidikan Kebangsaan memberi garis panduan jelas tentang bagaimana pembinaan insan seharusnya berlaku. Namun dalam realiti kini, cabaran media sosial menuntut kita untuk bertindak segera. Pendidikan digital berteraskan nilai spiritual dan moral perlu disepadukan dalam sistem pendidikan dan amalan harian. Hanya dengan itu, kita dapat memastikan bahawa penggunaan media sosial akan selari dengan aspirasi FPK dalam melahirkan rakyat Malaysia yang seimbang, berakhlak, dan bertanggungjawab kepada Tuhan, diri dan masyarakat.

3.2 Rukun Negara

Isu runtuhnya akhlak dan nilai moral akibat penggunaan media sosial di Malaysia dapat dikaitkan secara langsung dengan lima prinsip Rukun Negara. Rukun Negara bertujuan membentuk sebuah masyarakat yang bersatu padu, berdisiplin, dan bermoral tinggi. Namun, fenomena negatif media sosial yang semakin membara dalam masyarakat hari ini jelas bertentangan dengan semangat Rukun Negara.

3.2.1 Kepercayaan kepada Tuhan

Media sosial sering memperlihatkan kelunturan nilai agama apabila kandungan yang bertentangan dengan ajaran agama disebarkan secara meluas. Contohnya, penyebaran bahan lucah, fitnah, dan gaya hidup hedonistik mencerminkan kurangnya kesedaran tentang nilai keagamaan. Prinsip "Kepercayaan kepada Tuhan" menekankan keperluan hidup berlandaskan ajaran agama masing-masing. Namun, apabila masyarakat tidak mengamalkan ajaran agama dalam penggunaan media sosial, nilai akhlak turut terjejas. (Musa & Shah, 2020).

3.2.1 Kesetiaan kepada Raja dan Negara

Kandungan media sosial yang berunsur hasutan, penghinaan terhadap institusi diraja, serta penyebaran maklumat palsu yang melemahkan perpaduan nasional jelas bercanggah dengan prinsip ini. Media sosial membuka ruang kepada individu untuk mengkritik secara keterlaluan tanpa rasa hormat kepada Raja dan negara. Keadaan ini menjejaskan identiti nasional dan rasa kecintaan kepada negara, sekaligus menggugat kestabilan negara. (Muhammad & Nurul, 2022).

3.2.3 Keluhuran Perlembagaan

Penyebaran maklumat palsu, hasutan, dan penghinaan terhadap sesetengah kaum atau agama di media sosial boleh dianggap sebagai pelanggaran terhadap prinsip undang-undang yang dijamin dalam Perlembagaan. Prinsip "Keluhuran Perlembagaan" menuntut agar setiap warganegara menghormati dan mematuhi undang-undang negara. Sebagai contoh, terdapat laporan mengenai komen yang menghina kaum atau mencetuskan provokasi agama dalam ruangan komen

Facebook atau video YouTube. Tindakan ini bertentangan dengan Perlembagaan Persekutuan yang menjamin keharmonian dan hak setiap kaum untuk hidup aman damai.

3.2.4 Kedaulatan Undang-Undang

Fenomena buli siber, penyebaran fitnah, serta penipuan dalam talian tanpa memikirkan akibat undang-undang menunjukkan betapa lemahnya penghormatan terhadap prinsip "Kedaulatan Undang-Undang". Sebagai contoh, data daripada Polis Diraja Malaysia (PDRM) menunjukkan peningkatan laporan berkaitan kes scam dan ugutan di media sosial setiap tahun. Ini menunjukkan betapa lemahnya pematuhan kepada prinsip ini apabila masyarakat tidak berasa takut untuk melanggar undang-undang di ruang digital. Masyarakat yang tidak menghormati undang-undang akan menyebabkan ketidaktentraman sosial, sekali gus menjejaskan keharmonian negara (Polis Diraja Malaysia, 2024)..

3.2.5 Kesopanan dan Kesusilaan

Prinsip ini jelas paling terjejas dalam penggunaan media sosial. Tindak-tanduk pengguna yang menghamburkan kata-kata kesat, membuat komen berunsur lucah, serta melakukan body shaming terhadap individu lain di platform awam mencerminkan runtuhnya nilai kesopanan dan kesusilaan. Sebagai contoh, terdapat banyak insiden di mana pengguna media sosial mengecam fizikal selebriti atau orang awam secara terbuka, terutamanya di TikTok dan Instagram. Perbuatan seperti ini bertentangan dengan budaya ketimuran dan nilai murni yang selama ini menjadi teras keharmonian masyarakat Malaysia. Jika tidak dibendung, ia boleh menggalakkan budaya buli siber dan menjatuhkan maruah individu tanpa belas kasihan (Mohamad & Harun, 2021).

Secara keseluruhan, fenomena keruntuhan akhlak dan nilai moral akibat media sosial sangat bertentangan dengan kelima-lima prinsip Rukun Negara. Jika tidak ditangani, ia boleh menjejaskan perpaduan nasional, menghakis nilai budaya tempatan, dan melemahkan jati diri rakyat Malaysia. Maka, usaha berterusan perlu digembleng, termasuk pendidikan moral digital, penguatkuasaan undang-undang siber, serta pengukuhan nilai agama dan budaya dalam kehidupan masyarakat.

3.3 Konsep Jasmani, Emosi, Rohani dan Intelek (JERI)

3.3.1 Konsep Jasmani

Aspek jasmani merujuk kepada kesihatan fizikal dan kesejahteraan tubuh badan seseorang individu. Dalam konteks media sosial, pengaruh terhadap jasmani amat ketara apabila penggunaan media sosial yang berlebihan memberi kesan negatif terhadap gaya hidup dan tahap kesihatan masyarakat.

Pertama, ketagihan kepada media sosial menyebabkan pengguna menghabiskan masa berjam-jam di hadapan skrin telefon atau komputer. Hal ini menyebabkan mereka mengabaikan aktiviti fizikal seperti bersenam, bersukan atau berjalan kaki. Menurut kajian oleh Ahmad Nabil Md Rosli (2019), waktu tidur dan corak pemakanan pengguna juga terganggu, mengakibatkan keletihan kronik, obesiti, dan masalah metabolisme. Keadaan ini boleh menyebabkan penyakit tidak berjangkit seperti kencing manis, tekanan darah tinggi dan penyakit jantung semakin meningkat dalam kalangan generasi muda.

Selain itu, masalah seperti 'digital eye strain' (ketegangan mata digital), sakit leher, dan postur tulang belakang yang lemah sering berlaku akibat penggunaan media sosial yang terlalu lama tanpa rehat atau posisi duduk yang betul. Ramai pengguna tidak menyedari bahawa kesan fizikal ini akan menjejaskan tumpuan dalam pembelajaran atau pekerjaan. (Sannusi et al., 2018)

Tambahan pula, kekurangan aktiviti luar menyebabkan imuniti badan pengguna menjadi lemah kerana kurang pendedahan kepada cahaya matahari, kurang peluh, dan tekanan kronik. Hal ini amat membimbangkan kerana kesihatan jasmani yang merosot turut mempengaruhi kestabilan emosi dan prestasi intelektual seseorang. (BERNAMA, 2023)

Oleh itu, kesedaran tentang penjagaan jasmani ketika menggunakan media sosial perlu diterapkan sejak awal lagi dalam sistem pendidikan dan persekitaran keluarga. Media sosial perlu dimanfaatkan untuk mempromosikan gaya hidup sihat, termasuk kempen kesedaran tentang senaman ringkas, rehat mata, dan posisi duduk ergonomik. Literasi kesihatan digital seharusnya menjadi sebahagian daripada usaha melahirkan generasi celik teknologi yang juga sihat dari segi fizikal. (Azizan et al., 2021)

3.3.2 Konsep Emosi

Emosi merupakan aspek penting dalam kesejahteraan psikologi individu. Dalam era media sosial, keseimbangan emosi seseorang amat mudah terganggu disebabkan oleh pendedahan kepada pelbagai bentuk kandungan yang bersifat toksik dan tekanan sosial maya.

Pertama, media sosial menjadi tempat utama untuk perbandingan sosial. Ramai pengguna membandingkan diri mereka dengan kehidupan orang lain yang kelihatan sempurna di platform seperti Instagram dan TikTok. Ini membawa kepada perasaan rendah diri, iri hati, dan tekanan perasaan. Menurut Halim et al. (2023), fenomena ini menyumbang kepada peningkatan simptom kemurungan dan kebimbangan dalam kalangan remaja.

Selain itu, buli siber, kecaman awam, dan body shaming menjadi punca kepada kerosakan emosi yang serius. Remaja yang dibuli secara maya sukar untuk mengekalkan harga diri dan mengalami trauma psikologi yang berkekalan. Hal ini bukan sahaja merosakkan hubungan sosial mereka, tetapi juga mengurangkan keinginan untuk berinteraksi dalam dunia sebenar. (Jurnal Pendidikan Malaysia (Malaysian Journal of Education), n.d.)

Fenomena “Fear of Missing Out” (FOMO) pula menyebabkan pengguna merasa tertekan sekiranya tidak mengikuti trend semasa, tidak mendapat 'likes' mencukupi, atau tidak berhubung dengan rakan secara maya. Oleh itu, FOMO menjadi punca ketidakstabilan emosi dan gangguan tidur dalam kalangan belia. (PsyD, 2022)

Tambahan lagi, emosi pengguna mudah terpengaruh dengan kandungan negatif seperti berita palsu, provokasi agama atau perkauman, serta isu-isu panas yang bersifat sensasi. Keadaan ini menyebabkan pengguna mudah marah, kecewa, atau hilang keyakinan terhadap masyarakat. Akibatnya, nilai-nilai seperti empati, toleransi, dan kawalan diri semakin terhakis. (Berita Harian, 2024) (Sarudin & Sailin, 2025)

Namun begitu, media sosial juga boleh digunakan untuk memperkukuhkan emosi melalui perkongsian kandungan positif, sokongan motivasi, dan interaksi sokongan emosi. Dengan pemantauan yang betul dan kesedaran sendiri yang tinggi, media sosial boleh menjadi alat sokongan emosi yang bermanfaat.

Kesimpulannya, penggunaan media sosial perlu diseimbangkan dengan kebijaksanaan emosi. Pendidikan kesihatan mental dan etika digital perlu diperluas bagi memastikan setiap individu dapat menangani cabaran emosi secara matang, tanpa membiarkan media sosial mengawal minda dan perasaan mereka. (Hilmi, 2023)

3.3.3 Konsep Rohani

Dari sudut rohani, penggunaan media sosial yang tidak terkawal membawa kepada kelalaian dalam aspek keagamaan dan nilai kerohanian individu.

Pertama, media sosial menyebabkan ramai individu lalai dalam menunaikan kewajipan agama. Ramai pengguna lebih mengutamakan masa di media sosial berbanding melaksanakan ibadah seperti solat, membaca kitab suci, atau menghadiri majlis ilmu. Keadaan ini boleh melemahkan hubungan seseorang dengan Tuhan serta mengurangkan penghayatan terhadap nilai-nilai agama dalam kehidupan seharian. (Jurnal Pendidikan Malaysia (Malaysian Journal of Education), n.d.)

Selain itu, media sosial turut menyebarkan kandungan yang bertentangan dengan prinsip moral dan etika agama. Pendedahan kepada unsur-unsur negatif seperti hedonisme, budaya bebas, dan normalisasi maksiat menyebabkan individu terpengaruh dan terhakis nilai-nilai murni dalam diri mereka. Hal ini memperlihatkan betapa pentingnya penapisan rohani agar seseorang tidak terjebak dalam pengaruh negatif dunia maya.

Seterusnya, ketagihan terhadap media sosial boleh menyebabkan hati menjadi keras dan kurang rasa keinsafan terhadap dosa dan kesilapan. Individu lebih fokus mengejar populariti maya berbanding memperbaiki diri dari segi rohani. Kesannya, mereka menjadi lalai terhadap tujuan sebenar kehidupan iaitu mencari keredhaan Tuhan.

Akhir sekali, penggunaan media sosial yang berhemah boleh dijadikan sebagai medium untuk memperkukuhkan aspek rohani. Dengan mengikuti akaun-akaun ilmiah, ceramah agama, dan perkongsian motivasi spiritual, pengguna dapat meningkatkan ketakwaan serta memperbaiki hubungan mereka dengan Tuhan. Oleh itu, pendekatan rohani yang bijaksana amat penting dalam mengimbangi penggunaan media sosial dalam kehidupan moden. (Jurnal Pendidikan Malaysia (Malaysian Journal of Education), n.d.)

3.3.4 Konsep Intelek

Dari sudut intelek, media sosial boleh meruntuhkan akhlak dan nilai moral masyarakat apabila pengguna gagal menggunakan pemikiran rasional dan penilaian bijak dalam berinteraksi atau berkongsi maklumat semasa menggunakan media sosial. (Sannusi et al., 2018)

Pada masa ini, media sosial telah menjadi medium utama untuk penyebaran segala maklumat. Dengan ini, tindakan ramai pengguna menyebarkan berita dengan mudah tanpa menyemak kesahihannya di media sosial amat kerap berlaku dan telah menunjukkan kelemahan daya intelek mereka dalam membezakan antara fakta dan fitnah. Menurut kajian, ramai remaja Malaysia mengakui bahawa mereka mudah mempercayai berita yang disebarkan melalui media sosial tidak kira penyebaran berita-berita palsu atau berita tidak berasas. Hal ini boleh merosakkan reputasi kerajaan atau individu tertentu. (Sannusi et al., 2018)

Selain itu, media sosial juga menyumbang kepada pengurangan kebolehan masyarakat untuk berfikir secara kritis, terutamanya dalam menilai kandungan yang berkaitan dengan isu-isu sensitif atau melampau. Selalunya, kandungan yang sebegini lebih mendapat perhatian. Kandungan tersebut mengurangkan perbincangan yang berasaskan fakta serta pendapat yang seimbang dalam kalangan pengguna media sosial. Akibatnya, pengguna lebih terpengaruh dengan pendapat yang tidak rasional dan lebih cenderung kepada pemikiran kelompok, yang membawa kepada perpecahan dalam masyarakat. (Berita Harian, 2024)

Di samping itu, ketagihan terhadap media sosial menyebabkan masyarakat terutamanya dalam kalangan murid semakin mengabaikan pembelajaran yang lebih mendalam. Kebanyakan mereka lebih tertarik pada video pendek di media sosial seperti Tik Tok dan Instagram berbanding membaca bahan yang lebih mendalam seperti artikel atau buku. Kesannya, penggunaan media sosial dengan berlebihan untuk hiburan ini telah menjejaskan prestasi dan keputusan mereka.

Kesimpulannya, walaupun media sosial boleh memberi kesan negatif terhadap intelek dan moral masyarakat, penggunaan yang bijak dan berhemah boleh memperkukuhkan tahap intelektual individu. Dengan mengikuti saluran yang berfokuskan ilmu, motivasi, dan pembangunan diri, pengguna boleh memperoleh manfaat daripada media sosial dan meningkatkan daya pemikiran mereka semasa menghadapi cabaran dalam kehidupan.

3.4 Falsafah Teknologi

Falsafah teknologi membincangkan hubungan antara manusia dan teknologi serta impaknya terhadap kehidupan, moral dan nilai kemanusiaan. Dalam era digital yang semakin berkembang pesat, teknologi, khususnya media sosial, bukan sahaja berperanan sebagai alat komunikasi, tetapi juga telah menjadi ruang interaksi sosial yang mempengaruhi pemikiran, tingkah laku dan norma masyarakat. Oleh itu, pemahaman terhadap falsafah teknologi amat penting dalam menilai sejauh mana media sosial menyumbang kepada keruntuhan atau pembinaan akhlak dalam masyarakat Malaysia masa kini. (Azizan et al., 2021)

3.4.1 Teknologi sebagai alat neutral

Dari sudut pandang falsafah klasik, teknologi dianggap sebagai alat neutral — ertinya teknologi itu sendiri tidak baik atau buruk, tetapi ia menjadi refleksi kepada niat dan tindakan manusia yang menggunakannya. Contohnya, media sosial boleh dimanfaatkan untuk tujuan positif seperti menyebarkan ilmu pengetahuan, berdakwah, menyatukan komuniti serta membina jaringan profesional. (Jurnal Pendidikan Malaysia (Malaysian Journal of Education), n.d.) Banyak

pendakwah dan institusi keagamaan telah menggunakan platform ini untuk menyampaikan mesej yang membina dan mendidik.

Namun, apabila disalahgunakan, media sosial menjadi alat yang merosakkan. Ia menjadi tempat penyebaran maklumat palsu, fitnah, kandungan lucu, dan budaya hedonisme yang melalaikan. Apabila manusia menggunakan teknologi tanpa kawalan etika dan moral, teknologi bertindak sebagai medium kepada keruntuhan sosial. Oleh itu, sikap pengguna menjadi faktor penentu kepada baik buruknya teknologi tersebut. (Azizan et al., 2021) (Ismail et al., 2022)

3.4.2 Pengaruh teknologi terhadap pembentukan nilai

Falsafah teknologi moden berpendapat bahawa teknologi tidak lagi hanya bersifat pasif, tetapi ia aktif membentuk cara manusia berfikir dan bertindak. Heidegger, seorang ahli falsafah terkenal, menyatakan bahawa teknologi membentuk “cara manusia memahami dunia”, menjadikan manusia bergantung kepada sistem dan struktur teknologi dalam kehidupan seharian. (Azizan et al., 2021) Dalam konteks ini, media sosial secara perlahan-lahan telah mengubah nilai sosial masyarakat dengan menormalisasikan tingkah laku yang dulunya dianggap tidak sopan.

Sebagai contoh, budaya 'cancel culture', buli siber, pendedahan aurat demi tontonan atau likes, dan kebergantungan kepada pujian maya adalah antara kesan bagaimana media sosial mempengaruhi pembentukan nilai dalam kalangan belia. (Sannusi et al., 2018) Kandungan berunsur hiburan ringan sering diberi keutamaan berbanding kandungan berilmu, menyebabkan kemerosotan nilai intelektual dan budaya perbincangan sihat dalam masyarakat. Nilai seperti kesopanan, rasa hormat, dan tanggungjawab semakin terhakis kerana norma baru ditentukan oleh trend dalam talian. (Berita Harian, 2024)

3.4.3 Tanggungjawab etika dalam penggunaan teknologi

Etika dalam penggunaan teknologi adalah aspek yang tidak boleh diketepikan. Pengguna media sosial seharusnya memiliki tanggungjawab moral terhadap apa yang dikongsi dan disebarkan. Sebarang maklumat yang tidak sahih, kandungan yang memalukan orang lain, serta bahasa kesat adalah contoh tingkah laku tidak beretika yang boleh membawa kesan buruk kepada masyarakat secara kolektif. (UKM News Portal, 2020)

Tanggungjawab etika bermula dengan diri sendiri, diikuti oleh peranan masyarakat dan institusi. Tanpa kawalan etika, teknologi boleh menjadi alat yang menggugat kestabilan sosial, menyebabkan keruntuhan institusi keluarga, merosakkan hubungan antara kaum dan agama, serta mewujudkan polarisasi dalam kalangan pengguna media sosial. Oleh itu, semua pengguna perlu dipupuk dengan kesedaran etika digital yang tinggi melalui pendidikan dan bimbingan. (Hilmi, 2023) (UKM News Portal, 2020)

3.4.4 Perlunya literasi teknologi beretika

Dalam dunia yang serba digital, literasi teknologi tidak hanya melibatkan kemahiran menggunakan peranti atau aplikasi, tetapi juga kefahaman mendalam tentang kesan sosial dan moral penggunaannya. Literasi teknologi beretika merujuk kepada kebolehan mengenal pasti kandungan palsu, memahami batas privasi, menjaga keselamatan data, dan menyebarkan kandungan yang bertanggungjawab. (Hilmi, 2023)

Kajian menunjukkan bahawa masyarakat yang celik teknologi tetapi tidak celik etika akan cenderung menyalahgunakan media sosial, walaupun mereka mahir dalam teknikal penggunaannya. Oleh itu, literasi teknologi beretika perlu diajar secara formal di sekolah dan universiti serta disokong melalui kempen kesedaran awam yang berterusan. (Islam, 2017) Dengan ini, media sosial dapat digunakan untuk memperkasa nilai-nilai murni dan menyumbang kepada pembangunan insan yang seimbang selari dengan matlamat Falsafah Pendidikan Kebangsaan. (Jurnal Pendidikan Malaysia (Malaysian Journal of Education), n.d.) (Azizan et al., 2021)

4.0 Pandangan Tokoh

4.1 Pandangan Tokoh Akademik

Prof. Ulung Datuk Dr. Shamsul Amri Baharuddin

[Pengarah Institut Kajian Etnik (KITA), Universiti Kebangsaan Malaysia (UKM)]

Beliau menekankan bahawa media sosial, walaupun berperanan sebagai alat penyebaran maklumat, sering disalahgunakan untuk menyebarkan fitnah dan maklumat palsu. Hal ini memberi kesan negatif terhadap perpaduan negara dan mencerminkan tahap celik politik yang rendah dalam kalangan pengguna media sosial. Perbincangan yang berlaku sering kali tidak rasional dan dipenuhi dengan tuduhan serta manipulasi fakta. (Universiti Kebangsaan Malaysia, 2015)

4.2 Pandangan Pemimpin Masyarakat

Datuk Seri Ahmad Shabery Cheek

[Bekas Menteri Komunikasi dan Multimedia]

Beliau menegaskan pentingnya masyarakat mengamalkan etika dalam penggunaan media sosial. Penyebaran gambar atau maklumat yang boleh mengaibkan individu lain perlu dielakkan. Beliau menekankan bahawa tidak semua perkara sesuai untuk dikongsi di laman sosial dan mengingatkan bahawa tindakan mengaibkan orang lain boleh membawa kepada perpecahan dalam masyarakat. (Ismail et al., 2022)

4.3 Pandangan Pakar Psikologi

Hanisa Begam Najib Mohammad

[Pakar Psikologi Klinikal dari Persatuan Kesedaran dan Sokongan Penyakit Mental (MIASA)]

Beliau menyatakan bahawa komen negatif di media sosial boleh memberi kesan psikologi serius kepada individu, termasuk hilang keyakinan diri dan risiko kemurungan. Beliau menekankan bahawa komen yang berbaur negatif dan menghina fizikal di media sosial mampu membuat seseorang pengguna mengambil tindakan ekstrem seperti mengamalkan diet tidak sihat untuk kelihatan lebih ideal. (Astro Awani, 2024)

5.0 Kesan Media Sosial di Malaysia

Media sosial seperti TikTok, Instagram dan Facebook telah menjadi sebahagian daripada kehidupan harian rakyat Malaysia. Walaupun ia memudahkan komunikasi dan penyebaran maklumat, penggunaan yang tidak terkawal boleh membawa kesan negatif terhadap akhlak dan nilai moral individu, keluarga, masyarakat dan negara.

5.1 Kesan Terhadap Individu

Penggunaan media sosial secara berlebihan boleh menyebabkan ketagihan, terutamanya dalam kalangan remaja dan belia. Mereka akan lebih banyak meluangkan masa di hadapan skrin telefon pintar, berbanding berinteraksi secara fizikal dengan orang sekeliling. Ketagihan ini bukan sahaja menjejaskan prestasi akademik dan pekerjaan, malah boleh menyebabkan gangguan tidur dan kurang tumpuan. Menurut Astro Awani, hampir 27 juta rakyat Malaysia atau 78.5% menggunakan media sosial setakat Januari 2023. (BERNAMA, 2023)

Selain itu, media sosial juga dikaitkan dengan peningkatan masalah kesihatan mental seperti kemurungan dan kebimbangan, terutamanya apabila pengguna terlalu membandingkan diri dengan kehidupan orang lain yang kelihatan “sempurna” di media sosial. IYRES (Institut Penyelidikan Pembangunan Belia Malaysia) turut menyuarakan kebimbangan tentang kesan negatif media sosial terhadap kesihatan mental belia. (BERNAMA, 2023)

5.2 Kesan Terhadap Keluarga

Media sosial menyebabkan ahli keluarga kurang berkomunikasi antara satu sama lain. Sebagai contoh, sewaktu makan malam, masing-masing sibuk dengan telefon bimbit tanpa bertegur. Ini menyebabkan hubungan kekeluargaan menjadi renggang. Sinar Harian menyatakan bahawa nilai murni dalam masyarakat semakin terhakis akibat gaya hidup digital ini. (Sualman, 2019)

Tambahan lagi, sesetengah individu cenderung berkongsi masalah keluarga di media sosial yang boleh mengaibkan ahli keluarga dan mencetuskan konflik. Ini menunjukkan kurangnya kesedaran tentang batas privasi dalam keluarga. Contohnya, Sinar Harian melaporkan bahawa media sosial kini menjadi tempat bertumbuhnya fitnah dan kebencian termasuk dalam hal rumahtangga. (Ghazali, 2019)

5.3 Kesan Terhadap Masyarakat

Media sosial sering digunakan untuk menyebarkan berita palsu, fitnah dan teori konspirasi. Ini boleh mencetuskan panik dan kekeliruan dalam masyarakat. Astro Awani menegaskan perlunya kempen kesedaran untuk mendidik rakyat tentang etika dalam menyebarkan maklumat. (Sarudin & Sailin, 2025)

Di samping itu, ramai pengguna media sosial kini berani mengecam atau menghina orang lain secara terbuka tanpa rasa hormat. Ini menyebabkan masyarakat kurang sopan dan lebih mudah bertengkar. Sinar Harian menyatakan bahawa media sosial menjadi medan perbalahan yang boleh memecahbelahkan masyarakat. (Ghazali, 2019)

5.4 Kesan Terhadap Negara

Terdapat pihak yang menyebarkan sentimen perkauman dan keagamaan di media sosial untuk tujuan politik. Ini boleh menggugat keharmonian antara kaum di Malaysia. Berita dari Astro Awani memberi amaran bahawa penyebaran berita palsu dan isu sensitif perlu dibendung kerana ia boleh memecahbelahkan rakyat. (Sarudin & Sailin, 2025)

Kandungan negatif dari rakyat Malaysia di media sosial boleh memberi tanggapan buruk kepada pelancong dan pelabur luar negara, sekali gus menjejaskan reputasi negara. Menurut Sinar Harian, media sosial kini digunakan secara strategik oleh sesetengah pihak untuk memainkan isu 3R iaitu bangsa, agama, raja yang boleh menjejaskan kestabilan politik dan sosial negara. (Husin, 2024)

6.0 Cadangan Cara untuk Menangani Isu

Isu ini perlu ditangani dengan tuntas bagi mengurangkan kesan negatif media sosial terhadap masyarakat kita. Pelbagai pihak perlu berganding bahu dalam melaksanakan langkah-langkah yang proaktif dan berkesan.

6.1 Peranan Individu

Sekiranya isu ini dibincangkan dari perspektif individu, setiap orang harus mendekatkan diri kepada Tuhan (Hilmi, 2023) (Islam, 2017). Dengan cara ini, kita dapat mengelakkan diri daripada terlibat dalam aktiviti yang bertentangan dengan ajaran agama serta yang merosakkan akhlak.

Selain itu, individu juga boleh menetapkan azam untuk mencapai kehidupan yang berkualiti (Hilmi, 2023). Dengan adanya azam ini, seseorang akan lebih berdisiplin dalam menjaga akhlak serta mengamalkan gaya hidup yang positif. Individu juga dapat melibatkan diri dalam aktiviti yang bermanfaat seperti mengamalkan gaya hidup sihat dan pemakanan seimbang.

Secara umumnya, bagi menyelesaikan masalah ini hingga ke akar umbi, setiap individu perlu berfikir secara rasional agar tidak tersilap menilai, umpama tidak terkeliru antara kaca dengan permata ketika melayari media sosial.

Namun begitu, kanak-kanak dan remaja yang masih mentah, ibarat umur setahun jagung dan darah setampuk pinang, tidak boleh diharapkan untuk berfikir secara rasional atau mengamalkan perbuatan baik secara automatik. Segala tindakan positif ini perlu dipupuk dan didorong oleh golongan dewasa.

6.2 Peranan Ibu Bapa

Peranan ibu bapa amat penting dalam fasa perkembangan anak-anak, ibarat melentur buluh biarlah dari rebungunya (Hilmi, 2023) (Islam, 2017). Ibu bapa perlu sentiasa peka terhadap gerak-geri serta keadaan anak-anak mereka. Sekiranya terdapat tingkah laku atau percakapan yang tidak wajar, ibu bapa seharusnya memberi teguran yang membina dan memberikan dorongan yang positif agar anak-anak dapat membentuk peribadi yang mulia sejak usia muda.

Pemantauan dalam media sosial anak-anak juga penting untuk dilaksanakan oleh ibu bapa kerana didikan awal mengenai penggunaan teknologi secara sihat perlu diterapkan sejak kecil lagi (Sarudin & Sailin, 2025).

Selain itu, ibu bapa perlu meluangkan masa untuk menerapkan nilai-nilai murni serta penghayatan terhadap ajaran agama dalam diri anak-anak. Mereka juga boleh sentiasa

memberikan dorongan dan keyakinan agar anak-anak bersikap positif dalam menghadapi masalah, mengurus emosi, dan membuat keputusan (Islam, 2017). Hasilnya, anak-anak akan dapat membentuk pemikiran yang sihat, matang dan rasional, serta tidak mudah terpengaruh dengan kandungan negatif di media sosial.

Di samping itu, ibu bapa perlu meluangkan masa bersama anak-anak agar mereka berasa dihargai dan disayangi (Hilmi, 2023). Melalui perhatian dan kasih sayang ini, anak-anak dapat membina mentaliti yang sihat dan kemungkinan untuk mengalami gejala *FOMO* (fear of missing out) dapat dikurangkan. Hal ini selari dengan hakikat bahawa keinginan semula jadi manusia untuk bersosial dan merasa diterima sering kali menjadi punca utama kepada *FOMO* (PsyD, 2022). Hasilnya, mereka tidak akan mudah terikut-ikut dengan perkembangan media sosial secara membuta tuli.

6.3 Peranan Institusi Pendidikan

Di samping pendidikan tidak formal di rumah, pendidikan formal di sekolah dan institusi pendidikan juga memainkan peranan yang penting. Tanggungjawab seorang pendidik bukan sahaja sekadar menyampaikan ilmu pelajaran tetapi juga menyemai nilai-nilai murni dan mendorong penghayatan terhadap ajaran agama dalam kalangan pelajar. (Islam, 2017).

Tambahan pula, kandungan yang memberi pendedahan serta kesedaran kepada pelajar juga boleh diterapkan dalam pedagogi pembelajaran di sekolah. Sebagai contoh, nilai-nilai tersebut boleh diselitkan dalam mata pelajaran seperti Bahasa Melayu dan Pendidikan Moral.

6.4 Peranan Platform Media Sosial

Platform media sosial juga memainkan peranan penting dalam mewujudkan persekitaran digital yang sihat. Teknologi seperti kecerdasan buatan (AI) boleh dimanfaatkan untuk menapis kandungan yang tidak sesuai, sekali gus melindungi pengguna daripada pengaruh negatif.

7.0 Kesimpulan

Secara keseluruhannya, media social merupakan medium penting kepada kita, ia membawa banyak manfaat dalam berbagai aspek. Namun, media social juga akan membawa pelbagai masalah kepada masyarakat, termasuk keruntuhan akhlak dan nilai moral, khususnya dalam kalangan belia. Fenomena ini bertentangan dengan prinsip Falsafah Pendidikan Kebangsaan, Rukun Negara, serta keseimbangan aspek Jasmani, Emosi, Rohani dan Intelekt (JERI) yang ingin dicapai dalam pembentukan insan seimbang.

Pelbagai kesan negatif dapat dilihat seperti ketagihan penggunaan media sosial, kelemahan hubungan kekeluargaan, penyebaran budaya hedonisme, serta kemerosotan nilai kesopanan dan kesusilaan dalam masyarakat. Jika tidak dikawal, ia mampu mengancam perpaduan nasional dan identiti budaya Malaysia. Oleh itu, semua pihak perlu berganding bahu dengan meningkatkan pendidikan moral digital, memperkukuhkan kawalan kandungan media sosial, serta memperkasakan nilai agama dan budaya dalam kehidupan seharian.

Masyarakat Malaysia harus memanfaatkan media sosial secara beretika dan bertanggungjawab dengan berpandukan nilai budaya, agama, dan prinsip kebangsaan. Pendidikan, kesedaran sivik, serta pengawasan berterusan perlu diperkukuhkan bagi membimbing generasi muda agar mampu berfikir secara rasional dan beradab dalam dunia digital. Dengan usaha bersama, kita mampu membina sebuah masyarakat yang celik teknologi namun tetap kukuh akhlaknya, bermoral tinggi dan memiliki jati diri yang utuh.

8.0 Rujukan

- Azizan, N. I. B., Ismail, N., Zin, S. M. M., & Zainuddin, F. (2021, May 25). *Cabaran Membentuk Akhlak Remaja Melalui Persekitaran Sosial dan Perkembangan Teknologi: Challenges of Adolescent Morality Through The Social Environment and Technology Development*. <https://jpi.uis.edu.my/index.php/jpi/article/view/104>
- Berita Harian. (2024, September 6). *Pemikiran kritis tapis maklumat di media sosial*. <https://www.bharian.com.my/rencana/minda-pembaca/2024/09/1294739/pemikiran-kritis-tapis-maklumat-di-media-sosial>
- BERNAMA. (2023, June 4). *Masalah kesihatan mental bertambah teruk kerana media sosial*. <https://www.astroawani.com/gaya-hidup/masalah-kesihatan-mental-bertambah-teruk-kerana>
- Dr Ahmad Nabil Md Rosli. (2019, March 25). *Media Sosial dan Kesihatan Mental Remaja*. The Malaysian Medical Gazette. <https://www.mm Gazette.com/media-sosial-dan-kesihatan-mental-remaja-dr-ahmad-nabil-md-rosli/na-media-sosial-422364>
- Ghazali, A. (2019, June 12). Banyak kajian bukti media sosial punca isu kesihatan | Sinar Harian. <https://www.sinarharian.com.my/article/32135/sinar-aktif/kesan-buruk-media-sosial>
- Halim, N. a. A., Sham, F. M., & Samuri, M. a. A. (2023). Simptom kemurungan remaja kesan penggunaan media sosial. *Jurnal Hadhari an International Journal*, 15(2). <https://doi.org/10.17576/jh-2023-1502-10>
- Hilmi, E. E. (2023). Penerapan pendidikan akhlak dalam media sosial. *E-Prosiding Persidangan Antarabangsa Sains Sosial & Kemanusiaan (PASAK)*, 8. https://www.researchgate.net/publication/388673570_PENERAPAN_PENDIDIKAN_AKHLAK_DALAM_MEDIA_SOSIAL
- Husin, M. M. (2024, December 18). Polemik agama jejas keharmonian negara | Sinar Harian. <https://www.sinarharian.com.my/article/702954/suara-sinar/analisis-sinar/polemik-agama-jejas-keharmonian-negara>
- Islam, K. D. P. D. (2017). *CARA-CARA MENGATASI MASALAH KERUNTUHAN AKHLAK REMAJA*. Hiburan Melampau Dikenalpasti Sebagai Punca Keruntuhan Akhlak Remaja. <https://penyiarandalamislamtajukan10.blogspot.com/2017/02/cara-cara-mengatasi-masalah-keruntuhan.html>
- Ismail, W. a. F. W., Mutalib, L. A., Saleh, N. S. S. N., Baharuddin, A. S., Mamat, Z., Husin, S. N. M. S., Alias, M. a. A., & Kahar, N. S. A. (2022, June 15). *Issue of Moral Degradation among Muslim Adolescents in Malaysia: Issues, challenges and Suggested solutions: Permasalahan keruntuhan akhlak dalam kalangan remaja Muslim di Malaysia: Isu, cabaran dan Cadangan penyelesaian*. <https://al-qanatir.com/aq/article/view/434>
- Jurnal Pendidikan Malaysia (Malaysian Journal of Education)*. (n.d.-b). <https://ejournal.ukm.my/jpend/article/view/37851>

- Mstar. (2020, April 1). Masyarakat perlu beretika dalam menggunakan media sosial - Ahmad Shabery. *mStar*.
<https://www.mstar.com.my/lokal/semasa/2015/02/07/etika-media-sosial-ahmad-shabery>
- Universiti Kebangsaan Malaysia. (2015). *Media sosial ada baik dan buruknya – Prof Ulung Shamsul Amri*.
https://www.ukm.my/news/Latest_News/media-sosial-ada-baik-dan-buruknya-prof-ulung-shamsul-amri/
- Astro Awani. (2024, Mei 17). *Komen negatif media sosial ancaman halus kepada kesihatan mental – Pakar psikologi*.
<https://www.astroawani.com/berita-malaysia/komen-negatif-media-sosial-ancaman-halus-kepada-kesihatan-mental-pakar-psikologi-510320>
- PsyD, J. M. G. (2022, March 31). *All about FOMO: overcoming your fear of missing out*. Psych Central. <https://psychcentral.com/health/what-is-fomo-the-fear-of-missing-out#causes>
- Sannusi, S. N., Ibrahim, F., Shaari, A. H., & Subhi, N. (2018). Penggunaan Media Sosial dalam Kalangan Remaja B40 di sekitar Lembah Klang. *Malaysian Journal of Communication*, 35(4), 101–118. <https://journalarticle.ukm.my/13910/1/31578-116640-1-PB.pdf>
- Sarudin, F., & Sailin, R. (2025, March 10). *Ancaman media sosial: Fitnah, buli siber dan ketagihan*. Astro Awani.
<https://www.astroawani.com/berita-malaysia/kolumnis-ancaman-media-sosial-fitnah-buli-siber-dan-ketagihan-511856>
- Sualman, I. (2019, September 29). Nilai murni yang kian menghakis | Sinar Harian. *Sinar Harian*.
<https://www.sinarharian.com.my/article/49861/nilai-murni-yang-kian-menghakis%20%20%E2%80%8C>
- Harian, W. S. (2024, July 8). Titah Agong mengenai adab guna media sosial tepat pada masanya - Agamawan | Sinar Harian. *Sinar Harian*.
<https://www.sinarharian.com.my/article/673956/berita/nasional/titah-agong-mengenai-adab-guna-media-sosial-tepat-pada-masanya---agamawan>
- Musa, N. A., & Shah, H. a. R. (2020, December 15). *Penyebaran fahaman bertentangan akidah Islam di media sosial dari perspektif Undang-Undang dan Syariah di Malaysia*:
<https://www.perdanajournal.com/index.php/perdanajournal/article/view/96>
- Polis Diraja Malaysia. (2024, September 26). *Scammer kaut RM6 juta sehari di Malaysia*. Majlis Keselamatan Negara.
<https://www.mkn.gov.my/web/ms/2024/09/26/scammer-kaut-rm6-juta-sehari-di-malaysia/>
- Mohamad, S. A., & Harun, M. H. (2021). *Impak media sosial terhadap keruntuhan akhlak dalam kalangan pelajar*. Universiti Teknologi MARA. <https://ir.uitm.edu.my/id/eprint/45207/>
- Muhammad, A. A., & Nurul, F. N. (2022). *Semangat patriotisme melalui penggunaan media baharu dalam kalangan belia*. *Malaysian Journal of Communication*, 38(1), 80–95.
<https://ejournal.ukm.my/mjc/article/download/46849/12744/>